

Službene novine Kantona Sarajevo, broj 13/25

Na osnovu člana 18. stav 1. tačka b), a u vezi sa čl. 12., 13. i 14. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), člana 30. i 20a. Zakona o pravima branilaca i članova njihovih porodica ("Službene novine Federacije BiH", br. 33/04, 56/05 - Ispravka, 70/07, 9/10, 90/17, 29/22 i 60/24), člana 5. stav (2), člana 9. stav (2), člana 10. st. (2) i (3), člana 14. stav (4), člana 19. stav (6), člana 20., člana 32. stav (1), člana 34. i člana 42. Zakona o pravima demobiliziranih branilaca i članova njihovih porodica ("Službene novine Federacije BiH", br. 54/19, 29/22, 81/23 i 60/24) i člana 4. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", br. 70/05, 61/06, 9/10, 90/17, 29/22 i 60/24) Skupština Kantona Sarajevo, na 21. radnoj sjednici održanoj dana 29.03.2025. godine, donijela je

ZAKON

O IZMJENAMA I DOPUNAMA ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE

Član 1. (Dopuna člana 4.)

U Zakonu o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22 i 8/24) u članu 4. u stavu (2) iza broja: "56", dodaju se riječi : "stav (1) tač. a), b), c) i d)".

Član 2. (Izmjena člana 14.)

U članu 14. stav (3) se briše.

Član 3. (Izmjena i dopuna člana 26.)

(1) U članu 26. iza stava (1) dodaje se novi stav (2) koji glasi:

"(2) Pravo iz stava (1) ovog člana ne odnosi se na obrazovne ustanove u kojima se redovno školovanje plaća (školovanje po posebnom programu i dr.)."

(2) Dosadašnji st. (2), (3) i (4) postaju st. (3), (4) i (5).

Član 4. (Dopuna člana 27.)

U članu 27. stav (1) iza riječi: "ustanovama", dodaju se riječi: "u Kantonu".

Član 5.
(Izmjena člana 35.)

U članu 35. iza riječi: "zakona" dodaju se riječi: "i djeca šehida i poginulih branioca", a iza riječi: "osobe" interpunkcijski znak "zarez" zamjenjuje se interpunkcijskim znakom "tačka", a riječi: "prema načinu i uvjetima utvrđenim od strane Vlade Kantona" se brišu.

Član 6.
(Izmjene i dopuna člana 47.)

(1) U članu 47. u stavu (1) riječi: "u visini od" zamjenjuju se riječima: "čiji osnov za usklađivanje su".

(2) Iza stava (1) dodaje se novi stav (2) koji glasi:

"(2) Iznos naknade iz stava (1) ovog člana na prijedlog ministra utvrđuje Vlada Kantona svojom odlukom najmanje jedanput godišnje, u skladu sa raspoloživim budžetskim sredstvima, pri čemu iznos naknade troškova dženaze-sahrane po potrebi može biti i manji uz primjenu koeficijenta za obračun. Ukoliko dođe do umanjenja iznosa naknade troškova dženaze-sahrane isti ne može biti manji od onog koji je ostvaren u prethodnoj godini."

(3) Dosadašnji st. (2), (3), (4), (5), (6) i (7) postaju st. (3), (4), (5), (6), (7) i (8).

Član 7.
(Izmjene člana 55.)

U članu 55. st. (3) i (4) mijenjaju se i glasi:

"(3) Iznos za usklađivanje visine dječijeg dodatka je 7,5% prosječne neto plaće ostvarene u Kantonu u prethodnoj godini.

(4) Iznos naknade iz stava (3) ovog člana na prijedlog ministra utvrđuje Vlada Kantona svojom odlukom najmanje jedanput godišnje, u skladu sa raspoloživim budžetskim sredstvima, pri čemu iznos dječijeg dodatka po potrebi može biti i manji uz primjenu koeficijenta za obračun. Ukoliko dođe do umanjenja iznosa dječijeg dodatka isti ne može biti manji od onog koji je ostvaren u prethodnoj godini."

Član 8.
(Dopuna člana 56.)

U članu 56. u stavu (1) iza tačke d) dodaje se nova tačka e) koja glasi:

"e) pomoć osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude kao i članovima njihovih porodica."

Član 9.
(Izmjena člana 59.)

Član 59. mijenja se i glasi:

"Član 59.
(Visina iznosa mjesečne novčane egzistencijalne naknade)

- (1) Visina iznosa mjesečne novčane egzistencijalne naknade utvrđuje se u iznosu od pet KM po mjesecu provedenom u Oružanim snagama.
- (2) Utvrđeni iznos mjesečne novčane egzistencijalne naknade iz stava (1) ovog člana usklađivat će se na način kako je regulisano usklađivanje penzija propisom koji reguliše oblast penzijskog i invalidskog osiguranja u Federaciji Bosne i Hercegovine.
- (3) Iznos naknade utvrđen u skladu sa st. (1) i (2) ovog člana, na prijedlog ministra utvrđuje Vlada Kantona svojom odlukom, najmanje jednom godišnje, pri čemu iznos naknade može biti po potrebi i veći uz primjenu koeficijenta za obračun.
- (4) Ukoliko dođe do umanjenja iznosa mjesečne novčane egzistencijalne naknade isti ne može biti manji od onog koji je ostvaren u prethodnoj godini."

Član 10.
(Dopuna člana 67.)

U članu 67. iza stava (1) dodaje se novi stav (2) koji glasi:

- "(2) Izuzetno, uz saglasnost Vlade Kantona, sredstva za održivi povratak mogu se namjenski dodijeliti i kroz projekte održivog povratka kandidovane od strane povratničkih općina, institucija i udruženja čija je djelatnost povratak i njegova održivost."

Član 11.
(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-10358/25
29. marta 2025. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.